

澤州府志

星野方輿

第一冊

澤州府志序

寰宇有統志直省有通志郡有郡志邑有邑志夏官職方氏掌天下之圖以掌天下之地以周知天下凡邦國王設其牧制其職各以其所能制其貢各以其所有春官小史掌邦國之志以貳太史佐太宰注曰志者山川風土物產之書是郡邑之有志亦周官小史之所掌未可闕而不備我

皇上治周域外化洽宅中暨漸被於輿區殫神明於遐壤爰詔天下制撫臣修直省通志以釐職方廣史乘爲萬世章程甚盛典也雍正十二年三月巡撫覺羅石大中丞修山西通志成先是雍正六年奉

旨澤州改州爲府州治設附郭邑曰鳳臺以壹統馭而專職

澤州府志

序

守樟於十二年春以工部屯田司員外郎

命來澤知府事澤旣改府凡官秩典制禮度執事允宜維新以昭法守且省志已告成功則郡志一書自應速行纂修以仰副

盛治在前守劉觀察毓崑許侍御日熾皆續而未竣樟蒞蒞事未敢稽延謹考輯前聞采述掌故遵省志以爲成憲合州志以爲舊章莫邦分命增式廓之規模按籍陳圖肅在輿之典守不敢謂一方之僻可以畧而弗詳不敢以衆說之多可以擇而弗慎敬謹詮次勒雕成編匪曰括地之是周亦惟用佐拾遺之一得云爾雍正十三年乙卯八月中秋後一日中憲大夫知澤州府事錢唐鹿田朱樟書

澤州府志

前明纂志李觀察維禎曰舊者續無者刼二三賢者以當官重務取徵文獻苦心未可泯也茲州志猶及見舊籍謹詳各脩續叅較姓氏并原始序文俾後來不忒所自云

前纂脩姓氏

原脩明澤州知州顧顯仁江南武進進士

重脩澤州知州傅淑訓湖廣孝感進士

續脩澤州知州鄭際明河南商邱舉人

編次州人閻期壽孟履信校正學正李正養訓導扈從卿李芬路尚賢彙輯州人崔效體程接孟張光先毛俊民陳治統程式孟趙英督脩同知司政判官徐憲章吏

澤州府志

舊序

目郭大業

國朝續脩澤州知州陶自悅江南武進進士

叅考州同知宋鴻奉天金州進士訂閱高平知縣梅建貴州普定舉人陽城知縣線梗正白旗監生陵川知縣平鄙鼎浙江山陰副榜沁水知縣王用義四川渠縣舉人分輯沁水庠生孫如琮沁水貢生季恒高平庠生姬鼎燕陽城庠生白僕陽城進士白畿州貢生趙師城較編學正閻開泰舉人訓導薛瑋貢生高平教諭王炳曰朔州舉人督刊澤州吏目谷藎忠容城吏員寫圖山人王之掄

澤州府志

纂志舊序文

明萬曆山西按察使 李維楨 京山人

余自河西移晉陽未越月奉臺檄脩晉志因下諸有司各爲其府州縣志舊者續無者創以次第上備采輯諸有司苦簿書期會刑名錢穀日不暇給或視爲迂濶事不復省記或有增益改作令胥史檢舊牘錄以塞白而已事不瞻核文不雅馴安所取裁今再逾歲譬之書空獨二三賢者以文獻取徵當官重務孜孜討論脩飾義例筆削故實華藻居然良史澤州其最著者也州守傅君楚人以余鄉先進有一日之長使使請正余爲輟櫛吐哺卒業則知君之所以爲志乃其所以爲政者耳古者天子聽政使公卿至於列士獻詩瞽獻典史獻書師箴瞽賦矇誦百工諫庶人傳語近臣盡規親戚補察

澤州府志

舊序

二

瞽史教誨耆艾脩之而後斟酌焉猶未也歲時歌皇華遣使臣馳驅四牡諏謀度詢駉駉然每懷靡及歸而入告五年省方覲諸侯就問百年太師陳詩市官納賈考時月定日同禮樂制度法律衣服下至量衡必謹察之變革者以輕重誅討是故政行而不悖薄海之內類若畫一今之爲政者簿書期會刑名錢穀寄聽胥史之口第能檢舊牘不甚乖盭如前所云是亦爲政矣孰有與衆同欲好謀能聽推見至隱舉事繩墨之外乎朝甚除田甚蕪倉甚虛無惑乎政之陵遲也傅君爲澤州一以寧民爲本除苛慝興廢墜張相怠惰在事二年凡所得自爲政者規畫不遺餘力而其所不得自爲政以俟同心共濟之賢抑所得自爲政必需假歲月者萃而志之於書夫世祿之家鮮克由禮細民效尤奢靡嬉遊一筋萬錢一

擲千金誚者崇社廟以相高悍者衽金革而不厭庠序之士連袂公庭左袒橫議自矜爲氣節而方命圯族滋甚抑有事生而割股事死而廬墓違中行者謂夫徇財不若徇名而姑爲之名使之慕然後約歸於中佛老之宮非據形勝設綱會祝釐效靈者不載而慨夫吾徒之崇奉其師乃遜二氏正經與民人道成化不可戶說以眇論此君之所得自爲政而必需假歲月者也澤故有二郡王以無適嗣爵除其支庶千數擇宗人署其事權輕令格不肖者往往魚肉細民身離文網有司莫如之何州介萬山中在得澤名田故無多雖豐年人日食不足二鬴高貲賈人冶鑄鹽筴曾不名尺寸田田始八千四百頃履畝法行曾益殆萬汙邪蟹螺何所不籍稅稅難辦貧富於是以丁出租庸丁一徵至三金經數十年不稽登

澤州府志

舊序

三

耗之數以衰序之貧民踣斃不振則有蠲追山五福荒土而裁冗役元逋賦之議中涓四出笑商告緡千餘金而贏采金伐山以來林木童禿卽鉛鐵硫黃耗損不及十七而動以乏軍興按額徵求不少衰止陽城之礦高平之紬轉輸費彌滋甚郵供不以時給窶人子旣難使里豪善規避不耐必委之市猾稱貸從役公家所出先以償子錢家馬與卒枵腹不支監燎致餐無人行旅道枳寧山武弁不討軍實演武之塲鞠爲茂草猝有潢池弄兵胡以應之抱關擊柝之吏譏征僉虐付大盜不問此君之所不得盡自爲政而以俟夫同心共濟者也棲五尺之榻而慮周乎一州四邑之境受一日之直而謀及乎百千餘年之遠縉紳學士與夫深山窮谷之旄倪無不咨問昌言宏論街談巷議無不如納朝考職畫講政夕序

業而夜庀事以就此志也自非然者何以擇而精語而詳丁寧反覆而穆然有深思如是故曰君之所以爲志乃其所以爲政者也及古之道巡守述職爲民爲事如指諸掌貽後之人布在方策人存政舉易於蒲蘆是志之謂矣夫已氏政之不知志於何有余因是竊有末議焉今天下州或隸府或直隸司直隸司者縣視州若府州視府若僚人情漸於勢利縣隸州者曰隸府者州縣一體也吾何盡以屬禮事若府曰若與隸我者州一也何不盡以屬禮事我拙體則太卑執體則太亢處於不拙不亢之間而猜嫌謗讟叢興中有宗藩尤號難治晉州直隸者五潞汾陞爲府矣澤亦宜然其說未易枚數君奚直不得自爲政且不得形諸詞色余不敏聊引其端於此云大秘山人李維楨本寧父譔

澤州府志

舊序

四

原序

明萬曆澤州知州

傅淑訓

孝感進士

往聞愚公之移太行也意爲直一部婁耳及攬轡來陟太行之巔遐哉齊青未了也蓋尼父於斯旋軫焉史稱尼父臨河而嘆某之不濟命也夫此非太行迴轍之言也酈道元水經注云邢水逕孔子廟東魏太和中孔靈度復碑也尋劉明駕再爲記直以爲從此返轍矣然不可詳轍迹巉然石間也余爲低迴留之不忍去云昔歌劉歆遂初賦馳太行之險峻入天井之高關及魏武苦寒行今殆身履之始知戰國時秦欲有事山以東諸侯畏韓之議其後也蓋此地可當百二也晉朱序竟破慕容永於茲豈不信哉郿有韓王山卽秦所爲圖韓王處也殆襲近攻之故智耳抵郡觀山川風物之勝南瞰三山縹緲落天外也誰言塞山童赤而堆阜乎第不著碑板

不足伯仲他勝耳獨可令山靈寂寞耶尙書紀禹貢析城至於王屋兩山在郡之西顧今丹水從萬山剡崦中出也此故亦禹乘四載地也丹水蓋有二一出上洛冢嶺合於汧逕郡中東南者則劉越石琨扶風歌所謂丹水者也道元謂逕二石歷西巖巖下大泉湧發洪源巨輪淵深不測蘋藻冬芹竟川含綠此必爲珏石間者余讀山海經謁矣之山沁水出焉其東有林名曰丹林丹林之水出焉經旣屬西山乃曰沁水東爲郡之丹也無疑余因此亦足證山海之非誕書也山隸崑以嵯峨水渫洎以揚波間必有應山水之靈者矣乃澤故所爲戴明道二天者也方明道治郡時如一老塾師手自爲句讀習里中兒也豈嘗有奇政哉旣無一切鉤鉅乃預知盜牛者令自首此曷故焉然亦足想政簡而民朴魯矣今戶口

澤州府志

舊序

五

登耗之數抵當時何若財賦半以供縣官餘僅補苴祿入也更椎埋武斷有司者從事視向時何如哉余入郡陟太行之峻攀帷四境觀其謠俗又觀其所爲文獻穆然有深思焉先是郡劉義叟以學術著聞廬陵公薦爲著作郎脩十三代史豈非郡故文獻耶今距先乘幾年於茲矣風土漸移人士輩出獨無如義叟脩十三代史一脩郡乘哉然非徒爲故事乘體備而義例嚴鐵冶之微山澤畜擾風俗奢儉之故形勢險塞人才得失一草一木無不悉也鐵冶則禹貢之篠簜箛篥也山澤畜擾則周禮之職方所載也風俗奢儉則班掾之地里也形勢險要則昭代之方輿所記也人才得失則春秋之筆也草木鳥獸無不悉則益部之方物景純之圖讚也吁經濟者恒於斯遊覽者恒於斯守土者恒於斯聚國族者又且

生於斯長於斯將無當於封疆壺橐之計陳詩納價稗官小史乎哉今誌將就木矣以余入郡初所舒眺而積想者序於簡端若此

又序

明澤州人周盤甘肅巡撫

郡舊無志有之自毘陵顧侯始顧去垂四十年所而壽昌傅侯至侯治濮濮理遂以才調澤未幾渡衛入懷陟天井崇關履回車故跡低回四顧則析城王屋揖拱後先沁水丹川映帶左右於是喟然歎曰美哉山河之固記稱兩淮咽喉三晉門戶詎不信哉既覽志乃進諸博士弟子曰志尙矣第今昔殊時沿革異軌一方文獻惡可闕焉不備邪乃開局徵儒攤書授槩旁搜野乘博采鴻猷凡五閱月而志成侯馳書屬不佞爲序不佞方治軍張掖戎馬動勦何能爲侯贊一辭哉無

澤州府志

舊序

六

已乃就侯所裁定者一鋪揚之繫惟太行磅礴龍嵒衣帶河濟肘腋恒嵩茫茫輿曜實沈之東民淳地瘠唐虞遺風志方輿第一粵稽軒后畫野分疆爰開冀域亘於河陽郡邑繡錯靡匪金湯環環右臂擁護帝邦志沿革第二原伯肇封叔虞啟晉懿哉繆侯雅稱漢雋曰宣曰隰天潢衍孕勿僭勿驕昭哉祖訓志封建第三展采惟公作人有序境飭輿梁祠嚴鐘簋亭堠肇新庠帑積貯民力普存政先煦噢志建置第四惟守若令最爲親民賢哉司隸卓爾長孫視民如傷程氏聿遵官師濟濟永垂令聞志官秩第五光岳氣鍾人文藹藹如藺上卿如郝太宰郝氏文忠衛氏元凱代有詰人希蹤千載志選舉第六則壤成賦計口徵徭土田硯薄物力且凋菑畚靡給而競錐刀寬徭簡賦釋此曉曉志籍賦第七明道爲政手

書課兒敦行教化於今頌之陳書置射潔俎豐粢思皇多士
振藻明時志學校第八屹屹封疆桓桓武衛唐之步兵爲諸
道最整我戈矛嚴我旌旆赴赴干城攘外安內志兵防第九
尼父垂憲報典攸崇壇壝分設燔燎斯煇祀張以節祀裴以
忠勿謂勿襲適儉適豐志祀典第十疇匪人材張公烈烈砥
柱狂瀾九死不屈豈無華膺隼詎無節豪傑挺生安所羈縻
志叢舉第十一煌煌綸綍逮於先人綿綿簪組延於後昆隆
承帝渥報塞宜懋箕裘弓冶而子若孫志恩賚第十二循良
在牘四境歌棠高賢在寓百代流芳孰爲麟鳳山川之祥孰
爲瑾瑜邦家之光志宦蹟第十三英父篤生後先彪炳孝義
錚錚忠良耿耿野有遺賢高風可景室有貞媛秋霜益挺志
人物第十四天有災祥徵諸人事桑不爲妖雉不爲異間值

澤州府志

舊序

七

鹵荒時遭兵燹脩德弭災挽回盛治志叢異第十五懸壺示
秘擲筆凌空崢嶸梵刹丹堊琳宮蕭梁漢武備極尊崇人天
小果虛幻浮踪志方外第十六劉公義叟長於星曆王氏叔
和長於方脈著史立言撰經爲式一技之精聲光古昔志技
術第十七經天緯地命之曰文詞壇豎幟藝苑抽芬光昭東
壁輝映西崑琳琅珠玉華國之珍志藝文第十八夫志昉於
史獲麟而後子長崛起於西京孟堅氏評之足爲百世定論
志所以垂考鏡示章程不準諸史何所藉以彰往詔來邪傳
侯博綜古今探討圖經出其經濟緒餘以究心於研削芟蕪
潤藻啟例發凡勒成一代之典以垂不朽嗣是臨蒞於斯遊
覽於斯及生長於斯者省風土握化導之機觀生聚勤拊摩
之實觀賢才興仰止之思攷著作動私淑之想乃知侯之思

深智遠而其功又當與河山並隆隆也

重脩序文

國朝大學士 陳廷敬 鳳臺人

九州之域有天產焉有人事焉天產則山川溪谷土地戶口是已人事則營造經畫賦歛選舉是已無天產則不稱輿區無人事則不成名都天產具人事備而紀述不詳則所謂山之巖業而差戾水之浩汗而揚波人之磊落而英多者亦無以得其形容事迹顯於時而傳於後也周禮職方氏備記九州之山鎮川浸而禹貢并及於田賦貢筐此非郡邑志之所權輿歟嗣後有志一州一郡者如華陽之士女襄陽之耆舊則由於博雅君子欲表著其鄉之風義而然若夫賢守宰臨蒞其土而博攷圖經延咨故老不憚心手勤瘁以撰成一書者更有深意焉夫巖谷重阻則伏莽易生閭閻殷盛則風謠

澤州府志

舊序

八

必雜睹生齒之日繁則思何以富教稽征徭之煩重則思何以休息土雖膏腴而耒耜弗操猶石田也士誠俊乂而絃誦數輟猶莠民也至於選舉盛典也開於前者可無繼於後孝義美行也興於下者可無作於上是必羅諸圖籍觸目警心始能先事而爲之所也然非賢且勤者亦孰肯從事於此歟我州居太行之巔地多磽瘠而丹水經其左沁河縈其右析城王屋名載夏書哲匠宗工後先輩出固晉豫間一都會也其可無所紀述乎州故有志至明萬曆三十五年而止迄今廢缺者久矣世歷百年事更勝國其間陵谷變遷閱興替盛衰廢興與世運相乘除則其關係之重且鉅者尤不可任其昧昧焉以至泯滅也毘陵陶侯以名進士來牧是州操廉而才敏教漸化洽百廢具舉而志獨缺如慨然曰是余之任

也因別門析類奮筆裒集自州至縣總爲若干卷書成請序於予予澤之鄉人也徵侯請固將有述以傳爲稱引天產歸極人事之說以復於侯而况藉手於侯之著作歟抑予有感焉自有此州以來山川之閩人如郵舍遽廬焉其能卓然自見於後代者藺相如明道先生郝文忠千忠肅三四人耳而明道尤以道自任禰濂溪而祖洙泗發於文章播於政績者純粹而篤實則誠百世之師也予固不敢不以之自勉而更冀生是鄉官是邦者咸有所樹立以期不朽庶無負陶侯篋錄之意也夫

重修原序文

國朝澤州知州陶自悅 昆陵人

域中三大權史居其一職獨領諸天子其起於封建變爲郡縣乎晉之乘楚之櫛杙皆列國史也逮列國廢小史外史失澤州府志

舊序

九

其官郡縣始專以志名實史之權輿志不信而求信於史憂戛乎難之又不得備史料而已昭往示來用垂法戒民聽不惑乃知勸懲其必爲善也如水之寒火之熱其必不爲惡也如騶虞之不殺竊脂之不殺匪獨性生風教使然耳叔季職志失也久矣宜書不書則不宜書而書夫圖經者辨名者也功等紀載故承譌者失仰觀天文以明占驗故襲繆者失古今建立異名必核故漏且舛焉失之唇齒咽喉度其要險夷瀦洩審其用故夸者失而昧者亦失興作以時故侈張土木者失俎豆學宮有其舉焉而不錄廟食載非其鬼胥失也田賦異等墳壚異壤民數盈縮兵防興廢一切不稽其失也畧官師墨敗安然臚列而賢良姓氏若存若亡人材者一鄉之元氣也多掩於穢史之手乞米同恨其失也誣又安論竊曾

閔冑紀共但誇元隱終南孰數遼東避地馬醫魔外標榜滿
紙其失也離經而亂正風俗貞淫人事根本禮教衰而民行
薄不爲之爬垢索瘢其失也流蕩而難返寓言幻跡盡指眞
詮達宦貴人方爲嘯墓瞻狗之失也有德則祥降無德則妖
興故棄人道而賢鬼及縷稱荒邈不經好奇之失也覘風經
國莫如詩與文名卿碩士有作不採則已採則必關風土外
此而漁獵空言溺心食耳其失也泛濫而無功悉反是道焉
以爲之則得矣雖然作者之難唐宋先之明一統志成於李
文達賢歸熙甫尙譏其後更有議姑蘇志命名之非者其他
可見元揭傒斯云脩史在得人有學問文章不知史事不可
與有學問文章知史事而心術未講不可與志猶史也今欲
舉澤之文獻振湮探蹟以續前緒故老無在杞宋何徵不尤
澤州府志

舊序

十

有難焉者乎先是

廟堂允輔臣請詔脩天下通志檄三晉郡縣各以書上當時
止憑舊志十八卷漫漶已不可辨蓋去脩志日且百數十年
而天崇後絕無聞焉踵事之增久同集舍間有留心考索不
無別錄世本而束之度閣殘文半蝕昔司馬文正通鑑成惟
王益柔讀一過耳然後知作者難而心知其意者尤不可易
也有司缺失將貽人心世道之憂此獨非程純公過化地乎
顧聽法戒茫然勸懲不立江河日下曷砥狂瀾不揣孤陋執
簡任之樸學小才以方曩哲奚翅上下牀之判而準道以爲
言刪存挾摘差具發明越一載餘輯成三十篇詎謂擇精語
詳可擬中衢之罇供瓦甌樛杓之隨泥滿腹而訓方勵俗不
援曲筆以滋心術累者有微尙焉其爲有識譏評與否所不

可知他日徵求或取諸此外高父唐荆川先生序澄江志慨然言家籍志籍體裁亦殊的然當實用而非取辦具文則一也因及前人以其用心而著之籍記後人因籍記而得前人所用心而守之某三載備官追維緒論雅思風教卒未克有所爲而以引年去心不易盡如是會書鐫訖工輒推原志之所以重并歷著脩之之失而且難不獲已續脩之意弁其端後有君子其用心當十百倍某使緣此知心不易盡姑卽書以見其用心所在則厚幸矣若取義徵事之爲得爲失終不敢據一隅自信以信後世而知罪不復計焉謹序康熙四十年歲次丙戌孟夏毘陵陶自悅譔

續志序

山西巡察刑科 王 珩 太倉
掌印給事中

余奉

命巡察三晉所歷郡縣郊迎館謁莫不以志乘進跡其山川
土田建置沿革雖民物風尚時異勢殊而文獻可徵典型
在望類可以驗人事之盛衰政治之得失使者輶軒所指
觀風問俗不難援古證今因之得借鑒焉歲之嘉平按郡
至澤澤守許侯持舊志并續編一帙來問序蓋以澤初改
郡設縣規制不同而舊志已越三十年理宜續方今恭逢
聖天子在上振興吏治百度維新以直省郡縣生齒日繁撫
綏尤急恐沿循舊制或利不能興弊不能革非所以因勢
利導而化成民俗也於是視其地之衝繁難易添置郡守
或增設邑宰俾各脩其職毋致或廢澤故稱饒劇爲直隸

澤州府志

原序

三

州轄有四邑今改爲府治增設附郭邑名曰鳳臺雖疆理
仍其舊貫而控制表率秩序井然規模倍爲洪廓誠盛事
也況

昭代右文近又

敕令直省督撫各脩省志檄取府州縣志以備采擇澤舊有
州志但已歷年所其間科甲蟬聯名公鉅卿勛銘竹帛及
忠孝廉節卓越人寰騷人逸士才藻濬發固有駸駸乎日
上者則續編又曷可緩乎哉夫志固未易言也非具有良
史才如舊志之簡覈嚴明高華樸茂亦何可遽議紛更而
輕事於脩輯况艾圃陶先生爲余鄉前輩文章經濟素爲
海內宗仰蒞澤數載教養兼施寬猛相濟循聲偉績卓然
在人耳目間迄今崇祀名宦澤人猶傳頌弗諼其所爲州

志具在也今侯亦以名進士來守是邦誠能以實心行實政力追蹤於既往復啟迪於將來自當有益美而齊休者而又何多讓歟至前志之所載不復損益惟增其近事而續成斯編韓子云莫爲之前雖美不彰莫爲之後雖盛弗傳余於許侯有厚望焉

續脩澤州府志序

太守許日熾

澤州禹貢冀州之域分河東上黨之地以爲郡其治在全晉之南據太行之首表裏山河是爲要地其君子通經術重名節其野人勤稼穡務畜積所屬五縣布居谿谷之間四方舟車冠蓋之所不至爲易治地治雖易司牧者烏可不盡心以求治余於雍正九年秋以解梁牧攝守澤郡事思牧民之理必考之文獻因取郡志讀之以求其地形土田戶口財賦學

澤州府志

原序

三

校兵防之政可因可革宜損宜益者舉而行之庶幾仰答聖主所以簡任之萬一以慰百姓仰望之心而其書則前守毘陵陶公之所脩也歲月未久又因脩通省志奉文取各屬志歸德劉公續入後事及陞州爲府改置附郭縣之詳固已燦然明備無可更訂矣顧以余自總角受書頗好涉獵公餘之暇猶事披覽每遇朔望宣講

聖諭廣訓必歷四境深山窮谷靡所不到行部所及勘事所至身自經歷或士大夫父老傳聞之說有可徵信者心焉識之所積頗多以爲是不可以不錄也夫澤志創於前代屢經名公筆削而陶公者博物君子以文章名於海內有著作之才其所爲書一辭曷贊劉公續近年之事徵集郡儒手定其文皆所聞見可謂實錄余以耳目所及豈能加之哉然廣谷

大川民生異俗因地而治治行而民安之苟有可以載於志者是皆有裨於治道者也涓埃之細山海不擇非以著述爲名欲以輯錄佐治耳余自諸生起家受任大郡幸逢

聖朝昇平之世時和年豐民淳事簡退食餘閒優游齋閣有事筆墨樂之忘倦在任之事所當續入其前事散見古書及金石遺文與采訪所得者亦補書焉新任將至當去草創已就故序其事弁其端以見余所以補續之意至郡邑所以必有志書與古之志所以記載取舍之義前人之序論之備矣茲不復云

曩者先大夫刺澤余時方在髫齡未及隨侍任所忽忽三十年來漂泊萍跡所謂析城王屋沁水丹川爲先大夫之所舊遊暨一二賢達相與賞奇而析疑者終無由造觀而請謁焉

澤州府志

原序

古

歲癸丑巡察婁東甘泉王先生持節山右余從遊獲偕至澤澤之士民頌甘棠之蔭推屋烏之愛有知余至者擁擠呼號若皆以得見爲幸郡侯許公奇其事且爲之請曰比澤改爲郡增設鳳臺正議脩輯郡志今亦第從丙戌後所未載者採續成編子陶大夫文孫應爲我訂之余自顧非才不諳文義顧郡之賢士大夫業已撫拾成編命以卒業義無可辭因與先大夫門下士孔君興鈞等悉心叅攷呈之郡侯由後溯前歷三十餘年新舊相續彙成一書亦三盛矣按前此爲州志者自余鄉顧公始今郡侯纂脩府志乃以余爲先大夫之後叅較俾得厠名其澤志之與余鄉人偏若懸以相待余用以自愧又頗竊自喜也謹書數語於後并以誌志之不忘所自如此云毘陵陶宗正謨

續志分脩鳳臺縣解元孔興鈞貢生呂從誨歲貢申永
泰崔秉彝高平縣舉人牛道遠貢生李燿傳陽城縣生
員白僕成逢泰沁水縣進士樊初荀歲貢韓大惠